



UNIVERSITÄTS-
BIBLIOTHEK
PADERBORN

Paraenesis De Eleemosyna

Alardus <Aemstelredamus>

[Köln], 1545

VD16 A 1250

Selectiores de eleemosyna sententiæ ex utroque testamento.

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

DE ELEEMOSYNA.

omnia nobis utilis est hic fons. Nihil fonte hoc melius, non solet ille ebrietatem inducere. Melius tamen habere fontem, quam auri fontes fluentes aureis glebis. Melior quæ hoc fert aurum, anima. Nō enim in hac regna, sed in ea quæ sursum sunt, aurum simul concedit, ornatusque fit ecclesiæ dei. Ex hoc auro gladius efficit spiritus, gladius per quem draco abiecat. Ex hoc fonte lapides promanant pretiosi, qui ad caput assumuntur regis. Ne igitur negligamus tantas diuitias, sed inferamus eleemosynā cū largitate, ut cōsequamur misericordiā dei. Gratia & miserationibus unigeniti illius filij, cui etiam gloria, honor, & imperium, cum sancto spiritu in secula seculorum, Amen.

Selectiores de eleemosyna sententiæ ex utroque testamento.

E Saiaë quinquagesimo octauo. Frange esurienti panem tuum, & egenos, uagosque induc in domum tuam. Cum uideris nudum, operi eū, & carnem tuam ne despexeris, tunc erumpet quasi mane lumen tuum, & sanitas tua citius orietur, & anteibit faciem tuam iustitia tua, & gloria domini colliget te, tunc inuocabis, & dominus exaudiet te. Clamabis, & dicet: Ecce adsum, quia misericors sum dominus deus tuus. Et paulo post: Cum effuderis esurienti animam tuam, & animam afflictam repleueris, orietur in tenebris lux tua, Et tenebræ tuæ erunt sicut merides.

DE ELEEMOSYNA.

Et requiem dabit tibi dominus tuus semper, & implebit splendoribus animam tuam, & ossa tua liberabit. Deuteronomio 15. Si unus de fratribus tuis, qui moratur intra portas ciuitatis tuæ, in terra quæ dominus deus daturus est tibi, ad paupertatem peruenerit, non obdurabis cor tuum, nec contrahes manum, sed aperies eam pauperi, & dabis mutuum, quo eum indigere prospexeris. Et iterum: Non deerunt pauperes habitationis tuæ. Idcirco precipio tibi, ut aperias manum fratri tuo pauperi egeno. Deuteronomio 23. Ingressus uineam proximi tui, comedes uuas quantum tibi placuerit, foras autem ne efferas tecum. Si intraueris segetem amici tui, franges spicas, & manu conteres, falce autem non metes. Leuitici 19. Cum messueris fruges terræ tuæ, non tondebis usque ad solum superficiem terræ, neque remanentes spicas colliges, neque in uinea tua racemos, & grana decidentia congregabis, sed pauperibus et peregrinis carpenda dimittes. Ezechielæ 16. Ecce hæc fuit iniquitas Sodomæ sororis tuæ, superbia, saturitas panis, & abundantia, & ocium ipsius & filiarum eius, & manum egeno & pauperi non porrigebat. De Abdemalech Hieremiam e lacu subducente non ad uerbum, sed tamen ita ferme. Quia fecisti misericordiam liberabo te in die illa uastationis, & non traderis in manus uiroꝝ, quos tu formidas, & gladio non cades, sed erit anima tua in salutem, quia in me habuisti fiduciam, Hieremiam 39. P salmo 40. Beatus uir qui intelligit super egenum & pauperem, in die mala liberabit eum dominus. P salmo 36. Iunior fui, etenim senui, & non uidi iustum derelictum, & se-

DE ELEEMOSYNA.

men eius quærens panē. Tota die miseretur & commodat, & semen illius in benedictione erit. Prouerbiorum 3. Honora deum de tua substantia, & de primitijs omnium frugum tuarū da pauperibus, & implebuntur horrea tua saturitate, & uino redundabunt torcularia tua. Qui pauperem calumniatur cōuitium facit eius factori, & honorat deum quisquis miseretur pauperis. Prouerbiorum 14. Alias contemnit proximum peccator. Et beatus erit qui miseretur calamitosi. Qui obstruit aurem pauperum clamori, clamabit ipse uicissim, nec exaudiet. Prouerbiorum 21. Mitte panem tuum super transeuntes aquas, quia post tempora multa inuenies. Ecclesiastes 11. Eleemosyna patris nō erit in obliuione, nam pro peccato matris restituetur tibi bonum, & in iustitia ædificabitur tibi, & sicut in sereno glacies, soluentur peccata tua. Eccle. 3. Ignem ardentē extinguit aqua, & eleemosynā resistit peccatis, & deus prospector est eius qui reddit gratiā. Eccle. 3. Fili eleemosynam pauperis ne defraudes, & oculos tuos ne transuertas à paupere. Eccle. 4. Ante mortem benefac amico tuo, & secundum uires tuas exporrigens da pauperi, Eccle. 4. Eleemosyna uiri quasi sacculus cum ipso, & gratiam hominis quasi pupillam conseruabit, & postea resurget, & retribuet illis retributionem unicuique in caput ipsorū, & conuertet in inferiores partes terræ. Eccle. 17. Conclude eleemosynam in corde pauperis: & hæc pro te exorabit ab omni malo, Eccle. 29. Super scutum potentis & super lanceam aduersus inimicum tuum pugnabit eleemosyna, Eccle. 29.

DE ELEEMOSYNA.

Speciosa misericordia dei in tempore tribulatiōis, quasi nubes plenæ in tempore siccitatis, Eccle. 37. Ex substantia tua fac eleemosynam, & noli auertere faciem tuam ab ullo paupere: ita enim fiet: ut nec à te auertatur facies domini. Quomodo poteris, ita esto misericors. Si multum tibi fuerit, abundanter tribue, si exiguum tibi fuerit, etiam exiguum libenter impartiri stude. Præmium enim bonum tibi thesaurizas in die necessitatis: quoniam eleemosyna ab omni peccato & morte liberat, & non patietur animam ire in tenebras, Tobix quarto. Fiducia magna erit coram summo deo eleemosyna, omnibus facientibus eam, Tobix quarto. Bona est oratio cum ieiunio, & eleemosyna magis quam thesaurus auri. Tobix duodecimo. Cornelius Centurio erat faciens eleemosynas multas plebi, & deprecans Deum semper, Actorum decimo. Orationes tuæ, & eleemosynæ tuæ ascenderunt in memoriam in conspectu Dei, Actorum decimo. Cum facis eleemosynam, noli tuba canere ante te, sicut hypocritæ faciunt in synagogis & in uicis, ut honorificentur ab hominibus: Amen dico uobis, receperunt mercedem suam. Te autem faciente eleemosynā, nesciat sinistra tua quid faciat dextera tua, ut sit eleemosyna tua in abscondito, & pater tuus qui uidet in abscondito reddet tibi, Matthæi sexto. Matthæi decimo: Qui susceperit prophetam &c. Quem locum sane quam luculenter explicat Chrysostomus sermone uigesimo octauo, de decollatione Iohannis Baptistæ, sub calcem. Mat. 19. Si uis perfectus esse, uade & uende omnia q̄

DE ELEEMOSYNA.

habes &c. & habebis thesaurū in cælo. Lucæ uero
18. & Matt. 6. Nolite thesaurizare uobis thesauros
in terra, ubi erugo & tinea demolitur, & ubi fures
effodiunt & furantur, thesaurizate autem uobis the-
sauros in cælo, ubi nec erugo, nec tinea demoli-
tur, & ubi fures non effodiunt & furantur. Quod
superest date eleemosynam, & ecce omnia mūn-
da sunt uobis, Luc. undecimo. Vendite quæ posside-
ris, & date eleemosynā, &c. Lucæ 12. Animi prom-
ptitudo, iuxta quicquid illud est quod possidet ali-
quis accepta est, non iuxta id quod non possidet. 2.
Corinth. 8. 2. Corinth. 9. Qui parce seminat, parce
& metet. Qui seminat in benedictionibus, de bene-
dictionibus & metet. Et iterum: In omnibus sem-
per omnem sufficientiā habentes, in omne opus bo-
num, sicut scriptū est: Dispersit dedit pauperibus,
iustitia eius manet in seculum seculi. Det misericor-
diam dominus Onesiphori domui, quia sæpe me
refrigerauit, & cathenam meam non erubuit, sed
cum Romam uenisset, sollicitè me quæsiuit & inue-
nit. Det illi dominus inuenire misericordiam a deo
in illa die. 2. Timot. cap. primo. His qui diuites sunt
in præsentī seculo, præcipe ne elaso sint animo, neq;
spem ponant in diuitijs incertis, sed in deo uiuente,
qui præbet nobis omnia affatim ad fruendum, &
benefaciant, ut diuites sint in operibus bonis, ut fa-
ciles sint ad impertiendum, libenter communican-
tes, recondentes sibi ipsi fundamentum bonum in
posterum, ut apprehendant æternam uitam, pri. Ti-
moth, sexto.

Lib. Coll. Soc. J. Paderborn. a. 1610.

FINIS.

